



SUPREMUM
SIGNATURAE APOSTOLICAE
TRIBUNAL

PALAZZO DELLA CANCELLERIA
00120 CITTÀ DEL VATICANO



**Prot. N. 38691/06 CA
BOSTONIEN.**

Suppressionis parociae S. Ioannae de Arce
(D.nus J. C. Clermont – Congregatio pro Clericis)

DECRETUM

1. Cum Rev.mus Superior Provincialis O.M.I. die 14 februarii 2003 notificavisset intentionem reducendi numerum Patrum O.M.I. in civitate v.d. "Lowell", Exc.mus Administrator Bostoniensis promovit examen de ordinatione parociarum ibidem recognoscenda. Dein novus Exc.mus Archiepiscopus Bostoniensis die 9 ianuarii 2004 omnibus christifidelibus archidioecesis annuntiavit necessitatem reducendi numerum parociarum in tota archidioecesi, inter alia ob mutatam condicionem demographicam, deminutum numerum presbyterorum et pessimam condicionem oeconomicam nonnullarum parociarum ipsiusque archidioecesis. Audito die 24 iunii 2004 consilio presbyterali, Exc.mus Archiepiscopus die sequenti cum Rev.do Parocho parociae S. Ioannae de Arce in urbe v.d. "Lowell" communicavit decisionem eandem parociam supprimendi et tandem die 23 augusti 2004, cum effectu a die 30 augusti habendo, decrevit suppressionem parociae personalis S. Ioannae de Arce pro fidelibus originis gallicae in urbe v.d. "Lowell", statuens curam pastorem fidelium parociae suppressae confidi viciniore parociae S. Ritae, ad quam transferrentur libri parociales et schola, aliis vero eiusdem bonis et obligationibus ipsi archidioecesi destinatis, atque salva facultate fidelium linguae gallicae adhaerendi alii parociae personali pro eiusmodi fidelibus.

Remonstrations die 17 septembris 2004 reiecta, D.nus J. C. Clermont tamquam membrum parociae suppressae recurrit ad Congregationem pro Clericis, quae decreto diei 24 maii 2006 confirmavit suppressionem parociae

providere, quia migratorum cura pastoralis non est vinculata cum quadam determinata paroecia personali, quae est una tantum ex pluribus comprobatis rationibus et viis in pastoralis cura agenda pro coetibus specialibus fidelium (cf. v.g. decreta Congressus dierum 25 ianuarii 1991, prot. n. 21896/90 CA; 3 maii 1995, prot. n. 24388/93 CA; 26 ianuarii 1996, prot. n. 26205/95 CA; 18 iulii 1996, prot. n. 26399/95 CA). Non habetur, ceterum, solum ius migratorum servandi patrimonium spiritale, verum etiam obligatio ad iustam integrationem in nova patria;

4. Attento **in procedendo** in primis relate ad assertum defectum cautionis impartialitatis ex parte consilii presbyteralis quod: a. consilium presbyterale vacante sede cessat et intra annum a capta possessione a novo Episcopo noviter constituendum est (cf. can. 501, § 2), idque in casu diligenter ab Exc.mo novo Archiepiscopo Bostoniensi factum est; b. nullibi in iure requiritur ut intra membra consilii presbyteralis habeatur aliquis parochus paroeciae suppressendae; c. gratis affirmatur et negatur consilium presbyterale in casu nullam dedisse impartialitatis cautionem;

5. Considerato, circa assertum nimis breve temporis spatium inter decretum suppressionis paroeciae et eius efficaciam, quod possibilis suppressio paroeciae ipsis paroecianis diu nota erat et decisio suppressionis die 25 iunii 2004 cum eius paroco communicata, quodque *Cl. mus Patronus* non adduxit legem quae esset violata in casu;

6. Perpenso, relate ad assertam contradictionem in suppressionis decreto, quod haec haudquaquam habetur inter factum quod paroeciae S. Ritae committebatur cura spiritualis fidelium paroeciae suppressae et facultatem remanentium singulorum fidelium linguae gallicae adhaerendi (etiam) alii paroeciae pro fidelibus eiusdem sermonis;

7. Concesso relate ad assertam violationem legis **in decernendo** quod non habebatur decrementum fidelium in paroecia, quae erat reapse vitalis et insuper in bona conditione oeconomica;

Perspecto vero ad rem quod:

- Sufficit ut quaedam iusta ratio pro suppressione habeatur;
- Ipse *Recurrens*, saltem subordinate, accepit unionem extinctivam paroeciarum S. Ioannae de Arce et S. Ritae, sed hac in hypothesi censuit servandam fuisse potius paroeciam S. Ioannae de Arce tamquam novam paroeciam territorialem;
- Exc.mus Archiepiscopus iam in ipso decreto suppressionis indicavit decisionem latam esse "in light of the wider reconfiguration initiative of the Archdiocese of Boston, which will allow the Archdiocese of Boston efficiently use its resources to better serve the People of God";



- Recursus autem inepte tantum rationem tenuit de ipsa paroecia suppressa, non autem de necessitate salutis animarum providendi, meliore quo fieri potest modo, pro tota archidioecesi et quidem etiam in futuro;

8. Cum proinde assertae violationes legis in procedendo et decernendo non sustineantur;

B. De destinatione bonorum:

9. Praemisso quod Congregatio pro Clericis in re decretum Exc.mi Archiepiscopi non confirmavit, sed, omnibus suppressae paroeciae bonis ad paroeciam *ad quam* translatis, donationem ab huius paroco factam;

10. Perspecto, quoad violationes legis ad rem adductas, quod:

- Cl.mus Recurrentis Patronus inepte cann. 1291ss. invocat, cum haudquaquam constet illa bona patrimonio stabili paroeciae S. Ritae assignata fuisse vel ex natura rei ad idem pertinere;

- Ipse Recurrens, D.nus Clermont, nullo modo probavit se iura acquisita super illis bonis habere, v.g. ex actu foundationis vel contractus;

C. De asserta reductione ecclesiae S. Ioannae de Arce ad usum profanum non sordidum.

11. Considerato quod non habetur in actis sive ex parte Exc.mi, nunc Em.mi, Archiepiscopi sive ex parte Congregationis pro Clericis decisio de ecclesiae clausura definitiva deque eius reductione ad usum profanum, et salvo iure fidelium, quorum interest, casu quo habebitur ad rem decisio, eandem ad normam iuris impugnandi;

12. Perpensis violationibus legis adductis:

Re sedulo examini subiecta in Congressu, die 1 februarii 2008 coram infrascripto Cardinali Praefecto habito,

decrevit:

Recursum admittendum non esse et facto non admitti ad disceptationem coram Collegio Em.morum et Exc.morum H.S.T. iudicium, utpote manifeste quolibet carentem fundamento.

Pro expensis retinetur cautio a Cl.mo Recurrente in arca H.S.T. deposita. Partes suo quaeque Cl.mo Patrono congruum solvant honorarium.



Et notificetur iis quorum interest, ad omnes iuris effectus.

Datum, e sede Supremi Signaturae Apostolicae Tribunalis, die 1 februarii
2008.

Augustinus Carl. Vallini
Augustinus Card. VALLINI, Praefectus

Velasius De Paolis
Velasius DE PAOLIS, C.S., Secretarius



CONCORDAT CUM ORIGINALI

die 9 februarii 2008
P. Malecha

Paulus MALECHA
Supremi Signaturae Apostolicae Tribunalis
Moderator Cancellariae